



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil «18» mart

02-72-son

Талабага хайфсан эълон қилиш тўғрисида

Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармони ва 2017 йил 28 апрелдаги ПҚ–2932-сон “Тошкент давлат юридик университетида кадрлар тайёрлаш тизимини тубдан такомиллаштириш ва самарадорлигини ошириш чора-тадбирлари тўғрисида”ги қарори асосида университетда илғор халқаро юридик тажриба ва меҳнат бозори эҳтиёжларидан келиб чиқиб юксак талаблар ва замонавий халқаро стандартларга жавоб берадиган юқори малакали юридик кадрларни тайёрлаш мақсадида талабаларни маънавий-ахлоқий тарбиялаш, ҳуқуқий маданияти ва онгини ошириш бўйича самарали тизимни яратиш, уларда юксак тарбиявий ҳамда касбий фазилатларни шакллантириш ва ривожлантиришга қаратилган бир қатор комплекс чора-тадбирлар амалга оширилмоқда.

Бунда, ёшларни ватанпарварлик руҳида тарбиялаш, уларнинг маънавий-маърифий дунёқарашини ривожлантириш асосий мақсад қилиб олинган.

Амалга оширилаётган кенг кўламли ишларга қарамасдан айрим талабалар томонидан университетнинг Одоб-ахлоқ кодекси ва Ички-тартиб қоидалари (ички меҳнат тартиби қоидалари)ни бузиш ҳолатлари кузатилмоқда.

Жумладан, университетнинг Халқаро ҳуқуқ ва қиёсий ҳуқуқшунослик факультети 2-курс “А” поток 1-гурӯх талабаси Хуррамов Шохруҳ 2021 йил февраль ойида бошқа талабанинг ID картасидан фойдаланиб университетнинг 2-ўқув биносига киришга ҳаракат қилган.

Шунингдек, талаба Ш.Хуррамов 2021 йил 19 февраль куни “Инглиз ҳуқуқи асослари” модулидан дарс машғулотида кеч қолиб келганлиги ва ўқитувчи М.Турдиалиевнинг огоҳлантиришига қарамасдан дарс вақтида уяли

алоқа воситасидан фойдаланганлиги, шу куннинг ўзида университет ўқув бинолари оралиғида дарсга кirmaй беҳуда юрганлиги деканат томонидан аниқлаган.

Бундан ташқари, талаба Ш.Хуррамовнинг бир неча маротаба “деканат чақирди” деган важ билан ўқитувчиларга ёлғон гапириб дарс машғулотларидан чиқиб кетиш ҳолатлари кузатилган.

Шу билан бирга талаба Ш.Хуррамов университет ҳудудига 2021 йил 18 февраль куни соат 19:10лар атрофида 3-ўқув биносидаги катта мажлислар зали олдидаги чиқиш эшигидан бегона фуқарони, шунингдек муқаддам мактаб ўқувчиларини ҳам киритганлиги, ўзи бир неча маротаба университетда тунаб қолганлиги ва 3-ўқув биосининг кириш қисмида тамаки маҳсулотини истеъмол қилиш ҳолатлари қайд этилган.

Талаба мазкур хатти-ҳаракатлари билан Тошкент давлат юридик университети Одоб-ахлоқ кодекси 13-моддасининг 2-хатбошиси (бинога кираётган ҳар бир шахс биноларга кириб-чиқишни назорат қилиш учун тайинланган масъул шахс ёки навбатчига махсус берилган ID-карта орқали турникетлардан ўтиши шартлиги), 16-моддаси саккизинчи хатбошиси (университет бинолари ва ҳовлисида, шунингдек университет биноларига туташган ва улардан 500 метрдан кам бўлмаган ҳудудда тамаки маҳсулотларни чекиш тақиқланганлиги), 21-моддаси (дарс машғулотлари вақтида уяли алоқа воситаларидан фойдаланиш барча учун қатъиян тақиқланиши), 22-моддасининг биринчи хатбошиси (талабаларнинг дарсга кеч қолиб келишларига йўл қўйилмаслиги), 26-моддаси саккизинчи хатбошиси (талаба университет обрў-эътибори ва нуфузига доғ туширадиган ҳар қандай ҳаракатларни содир этишдан ўзини тийишга мажбурлиги) ва ўн саккизинчи хатбошиси (шахсий фойдаси ҳамда ўзгалар манфаатини кўзлаб ўз мавқеини суиистеъмол қилмасликка), 27-моддаси “а” кичик бандининг еттинчи хатбошиси (талаба машғулотларни сабабсиз ўтказиб юбормасликка ва дарсларга сабабсиз кечикиб келмасликка мажбурлиги) ва саккизинчи хатбошиси (ўқув машғулотлари вақтида университет ҳудудида беҳуда юрмаслик)да кўрсатилган қоидаларни қўпол равишда бузган.

Юқоридагиларни инобатга олиб, келгусида шу каби салбий ҳолатларни олдини олиш мақсадида Олий таълим тўғрисидаги низом (2003 йил 22 февраль, рўйхат рақами 1222), университет Одоб-ахлоқ кодекси ва Ички тартиб қоидалари(ички меҳнат тартиби қоидалари)га асосан, шунингдек университет Одоб-ахлоқ комиссиясининг хулосасига мувофиқ,

БУЮРАМАН:

1. Тошкент давлат юридик университети Одоб-ахлоқ кодексининг тегишли бандларини бузганлиги учун Халқаро ҳуқуқ ва қиёсий ҳуқуқшунослик факультети 2-босқич талабаси Хуррамов Шохруҳга ҳайфсан эълон қилинсин.

2. Халқаро ҳуқуқ ва қиёсий ҳуқуқшунослик факультети декани в.в.б. К.Ҳакимов:

ушбу буйруқ билан факультет талабаларини таништирсин;

мазкур ҳолат такроран содир этилса, талабани талабалар сафидан четлаштириш мумкинлиги тўғрисида огоҳлантирсин;

келгусида факультетда шу каби салбий ҳолатларни олдини олиш чораларини кўрсин;

мазкур талабанинг шахсий ҳужжатлар йиғмажилдига буйруқ нусхаси тикилишини таъминласин.

3. Барча факультет деканлари мазкур буйруқ мазмун-моҳияти билан талабаларни таништириб, келгусида шу каби салбий ҳолатларни олдини олиш чораларини кўрсин.

4. Мазкур буйруқ ижросини назорат қилиш проректор А.Ҳашимҳонов зиммасига юклансин.

Ректор



Р.Ҳакимов

Лойиҳа киритилди:

Халқаро ҳуқуқ ва қиёсий ҳуқуқшунослик
факультети декани в.в.б.

К.Ҳакимов

Келишилди:

Проректор

И.Рустамбеков

Проректор

А.Ҳашимҳонов

Ўқув-услубий бошқарма
бошлиғи

А.Тошпулатов

Маънавият ва маърифат
маркази директори

Ш.Пўлотов

Юридик бюро
катта юрисконсулти

Э.Ҳосилов